



*Pro cussu 'entu chi sulada
e mi faghet semper
cumpanzia.*

A giagiu meu Pascale Putzulu.
Antoni Deffenu Putzulu

Lughes de Sedilo pro sos annos Duamiza

Pius de àteros annos puru, Logos de su Duamiza bessit comente basadu in chizos dae su lampizu de sos astros. Sedilo ocannu paret finas pius in pinna a sos disizos de sos sardos chi intenden semper forte sa prendidoria a sas siendas e virtudes insoro 'e fundamentu: che un'isteddù lùghidu chi ghiat in oras mùrinas.

S'assimizat propiamente a unu bonufadu su chi ruet in sorte a Sedilo in cufos ùltimos annos: unu signale jaru de amistade, de paghe e de bonos indicos. Gai custa 'idda, chi in àteros tempos at connotu dies tristas, si faghet oe làmpana distinta e ispera bundanziosa pro tota sa Sardigna finas fora de sas làcanas nostras. An a torrare in parizzos, de sos chi si sun abbojados sa die de Ichnos, prò 'ider s'Ardia, su 6 e su 7 de triulas, pro chi ruan a mesa chida: seguros de adurare in amistade e de gosare un'ispetàculu chi no si podet bider in perunu àteru logu.

L'an a gosare finas foras de Sardigna, s'Ardia 'e ocannu, siat sos disterrados nostros e siat sos amantiosos de sas culturas antigas. Sas telecameras de «Sardegna Uno» an a fagher forra su collegamenfu prò nois, s'Italia, s'Europa e sos Istados de su Mediterraneu.

Duncas de Sedilo s'at a faeddare a faeddare in bonas, comente est deghile chi siat in custu tempus macotu chi pro parizzas àteras biddas est seberende dies de tristura, comente mustrat chene piedu sa cronaca, massimamente in zertas cussorzas de sa provincia 'e Nuoro.

Como bisonzat chi sa 'idda — totacanta — cumprendat, umpare cun sa bonasorte, finas sa responsabilidade de tenner sos ojos de mesu mundu subra a issa e resulfet a imbiare, jaru cantu pius podet, custu signale nou. Sas pagas bortas chi si mustrat in cara chene si caore, sa bonasorte, bisonzat de resessire a la tenner in annotu. E a la contivizare comente li deghet.

Paulu Pillonca